



禮書卷第一

毳冕

希冕

玄冕

禕冕

日月

星辰

山

龍

華蟲

宗彝

藻

火

粉米

黼

黻

毳冕

七旒旒十一玉共土百六十一六纁玉五采



毳冕五章說文毛毳獸細毛也宗彝有虎雉之飾而毛毳衣有宗彝之章故書謂之宗彝周禮謂之毛毳冕毳冕王所祀四望山川之服也五采纁十有二就五采玉十有二前後皆七旒共玉百六十有八繪於衣則宗彝藻粉米也

禮書

繡於裳則黼黻也黻帶圭佩綬鳥與鷩冕同詩曰毳衣
 如茨茨之初生其色玄則如茨言其衣也又曰毳衣如
 璊璊之為玉其色赤說文璊玉類也則如璊言其裳也劉熙釋名
 以毳為藻文鄭司農以毳為罽衣與宗彝之制不合不
 足信也爾雅曰雉印鼻而長尾郭璞曰雉似猴而色黑
 尾數尺鼻上向兩則以尾若兩指其鼻蓋虎取其
 義雉取其智

希冕

三旒旒十一王共玉
百二十綬五采



希冕三章士於祀禘三祀之服非單之於饗射也以社
 稷五祀之所於於祀人故也粉米而謂謂之希以其
 章少故也鄭以以少希為絺以絺為刺謂希刺粉米無畫
 然畫陽事也在衣繡陰功也在裳希衣之粉米固亦畫
 矣繡而不畫則與餘章之在衣者不類其說非也唐以
 希冕為繡冕蓋亦襲鄭氏之失歟希冕亦五采纁十有二
 就五采玉十有二前後皆五旒共玉百二十賈公彥謂天
 子九章侯伯七章大章也章各依命數數章也則九章
 章皆十二七章章皆七若然則舜十二章之服日月星
 辰之類皆十二乎不必然也考之於禮升龍降龍為一
 章虎彝雉彝為一章則山火而下蓋皆在右畫繡之也
 玄冕三旒旒十一王共玉
百二十綬五采

者冕一章王祭羣小祀之服其衣玄而無文裳黻而已
其章不足道也故以玄名之玄冕亦五采纁十有二就
五采玉十有一前後三游共玉七十二而王之齊服亦
用焉荀卿曰纁而垂於肩也冕也諸侯之齊以玄冠不
以玄冕及親迎則以冕齊戒攝盛故也宗彝於十二章
之服在裳於九章之服在衣紉采於七章之服在裳於
五章之服在衣蓋次服之首章上服固已弁之矣夫乾
者西北而天事武故黼之色白黑艮居東北而成始終



故黻之色青黑天下之理歸於所斷成於所辨故服章
以黻終焉觀易陰陽之相代歸於復小而辨於物卦象
之相推終於未濟之辨物居方舜命九官終於黜陟分
北周官六計終於慶辨皆六服終黻之意也然剛斷者
先王之所沉潛非鄉向而上之也故黼依設於後席用黼
純設於下而中衣繡黼設於中皆六服後黼之意也詩
曰玄衮及黼黻衣繡裳常服黼皐書曰麻冕黼裳語曰
致美乎黻冕記曰諸侯黼大夫黻爾雅曰衮黻也凡此
皆舉其章之末者則餘章著矣
禪冕觀禮侯氏禪冕曾子問曰太祝禪冕冕執束帛又曰
太宰太宗太祝皆禪冕王藻曰諸侯禪冕以朝樂記曰
禪冕摺笏而虎賁之士說劍也荀卿曰大夫禪冕鄭康
成釋觀禮曰禪之言埤也天子大裘為上其餘為禪釋

玉藻曰裨冕公衮侯伯鷩子男毳是也鄭司農釋周禮持以鷩為裨衣拘矣

日月古者日月星辰畫於衣至周登三辰於旂左氏曰三辰旂旗是也王肅謂舜時三辰亦畫於旂旗然明堂位曰有虞氏之綏夏后氏之旂虞氏之綏尚未有交龍之制謂有日月星辰其說無據

星辰周禮大宗伯以實柴祀日月星辰保章氏掌天星以志星辰日月之變動鄭氏謂星五緯辰日月所會之次孔安國釋書歷象日月星辰謂星四方中星辰日月所會鄭氏於書亦以星辰為一孔穎達曰敬授人時無取五緯之義鄭氏觀文為說也然則衣之所畫蓋五星與十二次也若旂則畫日月北斗七星而已故禮記言招搖在上禮天子博稱天子葬盛姬建日月七星

天子山冕諸侯玄纁書大傳曰山龍青也

龍古者衣鼓旂旂禮曰升龍降龍爾雅曰升白龍于終

曲禮曰左青龍書大傳曰山龍青也龍有升降白者升

于穆則青者降矣白陰而升青陽而降此交泰之道也許

慎曰卷龍繡於不幅一龍蟠阿上鄉然龍繪於上幅非繡於下幅慎之說誤矣

華蟲華蟲程也程不特施於王服而右之車服亦有焉

所謂禕翟揄翟闕翟重翟厭翟是也不特右之車服而

舞與喪禮亦用焉書與周禮言羽舞詩言秉翟大記言

揄紱是也孔安國顧氏以華蟲為二章非是宗彛書曰班宗彛作分詔周禮大約刻書於宗彛則宗彛

宗廟之彝也先王致孝有尊有彝而衣特以彝為章者以
虎雖在焉故也書謂之宗彝周禮謂之毳冕康成穎達之
徒謂毳畫虎雖因號虎雖為宗彝其實虎雖而已此說
非也書曰大傳曰宗彝白蓋宗彝白而虎雖各象其色耳鄭司
農以毛毳為屬孔安國謂宗彝亦以山龍華蟲為飾皆臆論也
藻水草也施於衣與挽而已冕旒與玉纁亦曰藻皆
取其文而且繁也書大傳曰藻火赤鄭氏釋巾車曰藻
水草華色今藻色兼蒼赤蓋伏鄭各舉其一偏耳
火左傳曰火龍黼黻昭其文也大記曰火三列明堂位
曰殷火周龍章則火之所施多矣考工記曰火以圜鄭
司農曰圜形似火鄭康成曰形如半環是也大傳曰火
赤孔安國謂火為火字其說與考工記不合
粉采鄭氏以粉米為一章則粉其米也粉其米散利養

人之義也孔安國曰粉若粟冰米若聚米顧氏曰粉取
粟白米取能養然粉亦米為之一物而為二章與章不
類其說非也

黼考工記曰白與黑謂之黼黼即斧也刃白而鋈黑有
剗斷之義故袞裳席巾中衣頰禪之領冒之殺覆禔之
幕增弓曰加飾棺用焉

黻考工記曰黑與青謂之黻施於衣與荒見大其文
兩已相交蓋左青而右黑此相辨之義也黻亦作黻弟
而黻亦作黻左傳曰火龍黼黻昭其文也又曰衮冕黻
璫昭其度也則黻璫之黻乃黻也白虎通曰黻璫君臣
可否相濟見善改惡賈公彥曰黻取臣民背惡向善

禮書卷第二終

禮書卷第二終

諸侯及孤卿大夫之服

六公衮冕

侯伯鷩冕

子男毳冕

王之三公鷩冕

王之孤卿毛毳冕

王之大夫諸侯之孤希冕

諸侯之卿大夫玄冕

襁衣

諸侯及孤卿大夫之服

書曰天命有德五服三章哉

五服天子諸侯卿大夫士之服

周禮上公九命其

衣服以九為節侯伯七命其衣服以七為節子男五命

其衣服以五為節王之三公八命其卿六命其大夫四

命及其出封皆加一等其衣服亦如之凡諸侯之適子

誓於天子攝其君則下其君之禮一等未誓則以皮帛

繼子男

公之子如侯伯而執圭侯伯之子如子男而執璧子男之子與未誓者皆以小國之君執皮帛而朝會焉其質之皆以二婦之禮

公之孤

四命其卿二命其大夫再命其士一命其衣服各職其命之數司服公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服士之服自皮弁而下如大夫之服凡大祭祀大賓客其其衣服而奉之自公之衮冕至卿大夫之玄冕皆其朝聘天子及助祭之服諸侯非二王後其餘皆玄冕而祭於已難記曰大夫冕而祭於公弁而祭於已士弁而祭於公冠而祭於已大夫爵弁自祭家廟惟孤耳其餘皆玄冠與士同玄冠自祭其廟者其服朝服玄端諸侯之自相朝聘皆皮弁服弁師掌王之五冕皆玄冕朱裏延紐五采纁十有二就皆五采王十有二玉笄朱紘諸侯之纁旒九就璫玉三采其餘如王之事纁旒皆就諸侯反孤卿大夫之冕章弁皮弁弁經各以其等為之而掌其禁令行人上公冕服九章侯伯冕服七章子男冕服五章大車詩刺周大夫云大車檻檻毳衣如綦毛氏曰毳衣大夫車也

子大夫四命其出時十命如子男之服服毳冕以決於雲云子男入為大夫者毳衣之屬衣纁而裳纁皆自五色其青者如雜如蒲葛類也無衣美晉武公云豈曰無衣七兮又豈曰無衣六兮毛氏曰侯伯之禮七命冕服七章天子之卿六命車服六章大夫為節節氏曰七章之服晉舊有之非新命之服變七言六者諫也不故必當侯伯得受六命之服列於天子之卿猶愈乎不禮記王制曰三公一命衮若有加則賜也禮器曰禮有以文為貴者天子龍衮諸侯黼大夫黻士玄衣纁裳天子之冕朱綠藻十有二旒諸侯九上大夫七下大夫五士三朱綠似夏商禮周禮天子五采藻禮有順而討也若天子十二公以九侯伯以七子男以五為節有放而文若天子之服服日月以至黼黻有放而不致若諸侯自山龍而下書大傳曰天子衣服其文華蟲作纁宗彝藻火山龍諸侯作纁宗彝藻火山龍大夫藻火山龍士山龍天子服五諸侯四次國服三大夫服二十服鄭氏曰玄或疑焉

公龍衣

纁九就前後九旒七玉共五百
六十二纁五玉朱白蒼執相室



侯鳥冕

纁七就前後七旒七玉共五百
六十八纁五玉朱白蒼執相室





王之三公鷩冕

纁八就前後各八旒旒全用五百二十八執圭射則執璧書曰周公秉圭以冕觀之蓋執信圭先儒曰執桓圭



男者鷩冕

纁五采四子之數

王之孤毳冕

纁六就前後各六旒旒六
玉用玉七十二執皮帛



王之鄉毳冕


纁六就前後各六旒旒六
玉用玉七十二纁玉皆朱纁執羔



三之八夫布冕
三三三二
三三三二
三三三二
三三三二
三三三二
三三三二
三三三二
三三三二
三三三二



諸侯之八
布冕
大夫執皮幣



諸侯之卿玄冕

三命前各三鹿
三王附五十八
鹿



諸侯之大夫玄冕

再命之大夫纁再就用王八一
命之大夫纁一就用王二致焉



公卿大夫之命以四以六以八陰數也公侯伯子男之
命以五以七以九陽數也典命上公九命衣服以九為
節司服所謂公之服自衮冕而下如王之服是也侯伯
七命衣服以七為節司服所謂侯伯之服自鷩冕而下
如公之服是也王之三公八命其卿六命其大夫四命
及其出封皆加一等蓋八命加一等則是三公一命衮

而衣服以九為節也其未出封則八命與侯伯同七章之服矣公與侯伯同七章之服則卿六命與子男同五章之服矣觀司服孤之服自希冕而下如子男之服卿大夫之服自玄冕而下如孤之服公之孤四命而服三章之希冕大國之卿三命大夫再命而服一章之玄冕則王之公卿大夫其衣服各降命數一等可知也詩言周大夫之服毳衣則王之上大夫卿也雜記曰大夫冕而祭於公則希冕玄冕也然則上公自衮冕而下其服五侯伯自鷩冕而下其服四子男自毳冕而下其服三孤自希冕而下其服二服雖不同而冕同賈公彥曰諸公纁玉同文惟有一冕以冠五服其說是也弁師諸侯纁旂九就璫玉三采其餘如王之事纁旂皆就玉璫玉并諸侯及孤卿大夫之冕各以其等為之鄭氏謂上公

纁九就用玉百六十二侯伯用玉九十八子男纁五就

玉五十纁皆三采

弁師璫玉三采鄭氏曰璫故書作無說文璫三采玉

孤纁四就玉三十二

三命之卿纁三就玉十八再命之大夫纁再就玉八纁三

皆朱綠考之聘禮諸侯朝天子圭纁朱白蒼大夫問諸

侯圭纁朱綠則朱白蒼者君之纁朱綠者臣之纁冕纁

之別蓋亦如此鄭氏之說是也希冕三章鄭氏謂孤纁

四就蓋孤四命其宮室車旌衣服各眡其命之數則服

雖三章而冕四旂旂四就無害其與服章異也晉武公

之臣請服于周始曰無衣七兮次曰無衣六兮以示不

敢上眡侯伯姑請六命之服列于天子之卿猶愈乎不

也孔穎達謂卿從車六乘旌旗六旒弁飾六玉冠六辟

積然則卿服雖五章而冕纁六旂旂六就猶大夫之服

三章而纁四旂旂四就也不特人臣之冕如此王服九

章而纁十有二旃旃十有二就是纁旃與服章不必同也鄭氏又曰一命之大夫冕而無旃然與命言各眡其命之數果一命之冕無旃則眡其命之數去者為虛言也夫冕之有旃為蔽明也纁之就數固雖不同蓋皆其垂過目而每就非止一寸每就一寸殆王之十有二就者然也賈公彥曰每玉相去一寸十二玉則十二寸就成也以一玉為一成結之使不相并也射人三公執璧執璧則服毳冕而已蓋王饗射降而服鷩冕則公於王射降而服毳冕矣鄭氏曰諸侯入為卿大夫各服本國服章與在朝仕者不同然卿大夫出則伸而加一等入則屈而降一等則各服本國服章之說無是理也書曰周公秉執璧蓋圭乃公之常禮璧特射時所執也王之卿大夫其所執亦羔鴈特其飾而諸侯之卿大夫不同周語單子譏陳侯奔衮冕而南冠春秋伐楚之役許男卒而以衮斂夫陳侯有衮冕許男以衮斂者尊三恪而優死王事者也左氏曰凡諸侯薨卒朝會

加一等死王

書大傳曰天子衣服其文華蟲作纁宗彝

藻火山龍諸侯作纁宗彝藻火山龍子男宗彝藻火山

龍大夫藻火山龍士山龍故書曰天命有德五服五章

又曰天子服五諸侯服四次國服三大夫服二士服

一然大夫之服自玄冕而下士之服自皮弁而下固無

藻火山龍矣既曰子男宗彝藻火山龍士山龍又曰次

國服三大夫服二士服一是自戾也漢明帝時冕皆廣

七寸長尺二寸前圓後方朱綠裏玄上前垂四寸後垂

三寸繫白玉珠為十二旒三公諸侯服山龍九章冕七

旒青王為珠卿大夫服用華蟲七章冕五旒黑玉為珠

皆有前無後以承大祭然旒有前無後非古制也又古

者大夫冕而祭於公士弁而祭於公則大夫以上助祭

皆冕服也明帝之時百官不執事者初玄以從失之矣

皆冕服也明帝之時百官不執事者初玄以從失之矣

褒衣雜記內子復諸侯復公襲皆有褒衣鄭氏曰內子褒衣者始為命婦見加賜之衣諸侯褒衣亦始命為諸侯及朝覲加賜之衣也王制曰三公一命衮若有加則賜孔穎達謂九命龍衮之外君衣特賜雜記謂之褒衣是矣昔魯季氏取卞使公冶問襄公公與公冶冕服及疾聚其臣曰我死必無以冕服歛非德賞也然則復歛以褒衣者蓋榮其德賞故也

禮書卷第三

禮書卷第四

諸侯祭服

玄端

素端

緹

武

紐

纁

諸侯祭服

玄冕三旒纁就與王如其命之數玄端衣



祭統曰夫人蠶于北郊以共冕服又曰君純冕立于阼玉藻曰諸侯玄端以祭禋冕以朝鄭氏謂諸侯祭宗廟

之服惟魯及二王之後衮冕餘皆玄冕考之雜記大夫冕而祭於公弁而祭於已士弁而祭於公冠而祭於已以其致隆于公不敢與已同其服則諸侯以鷩毳希冕祭于王端冕祭於已宜矣然玉藻玄端以祭言其服也玄端無章則三旒之冕可知鄭氏易端為冕過矣

玄端素端如之其色不同



周禮 司服其齊服有玄端素端

鄭司馬云衣有鴻裳者為

異制端者取其正也士之袂袂長二尺二寸而屬幅是廣袂也其袂三尺二寸大夫已上修之修之者蓋半而益一焉半而益一則其袂三尺二寸也言衣者明與身參齊是謂玄端之身長二尺二寸今兩邊袂亦各一尺二寸也云大夫已上修之修之者各半而益一焉半而益一則其袂三尺二寸也又八寸者此亦無正文案雜記云凡弁緹服其袂修袂少半士婦亦云亦云多袂修袂也鄭以修為大即以意為內則曰子事父母冠

玄端素端如之其色不同

玄端冕而聽古樂則唯恐卧

無君者不貳采

卒食玄端而居諸侯玄端以祭

朝玄端夕深衣

無君者不貳采

小記除殤之喪者其祭也

雜記曰端裘喪車皆

無等

卷末一玄端一儀禮士冠緇布冠玄端玄裳黃裳雜裳可

也緇帶爵韠此暮冬於朝之服也端則朝服之衣也賓如主人服贊

者玄端從之冠者既冠乃易服服玄冠玄端爵韠見于

君見於鄉大夫鄉先生見服不朝服者非朝事也特牲饋食禮主人冠端

玄論語公西華曰宗廟之事如會同端章甫願為小

相焉荀卿曰端衣玄裳繞而乘路志不在於食章大戴

禮曰武王端冕而受冊書左氏劉定公曰吾端委以治

民臨諸侯禹之力也晏平仲端委以立于虎門晉語董

安子曰臣端委以隨宰人周語曰晉侯端委以入武宮日此

士服也諸侯之子未受爵命服士服也穀梁曰免牲者為之緇衣纁裳有司玄端

素送至于南郊魯二十一年吳夷狄之國也被髮文身欲因魯

而請冠端而端也鄭氏釋士冠禮謂爵弁純衣絲衣也

餘衣皆用布惟冕與爵弁用絲耳賈公彥曰此據朝服

皮弁服玄端服及深衣長衣之等皆布為之是以雜記

去朝服十五升布玄端亦朝服之類皮弁亦是天工朝

服深衣或名麻衣故知用布也

司服言及諸侯孤卿大夫士之服而繼之以其齋服有

玄端素端則玄端素端非特士之齋服而已鄭氏曰端

者取其正也士之衣袂背二尺二寸而屬幅是廣袤等

也其袂尺二寸大夫以上後之袂之者蓋半而益一則

其袂三尺三寸袂尺八寸然謂之端則衣袂與袂廣袤

等矣無大夫士之辨也果士之袂殺於袂尺非端也大

夫之袂侈以半而益一亦非端也深衣之袂圍長衣之

袂長弔祭及餘衣之袂侈司服凡弔事弁經服雜記凡弁經服其袂侈少半士婦衣宵衣侈袂儒行曰孔子衣逢掖

之衣荀卿曰其衣逢則玄端之袂端可知矣古者端衣或施之於冕

或施之於冠大戴禮曰武王端冕而受冊書樂記曰魏

文侯端冕而聽古樂荀卿曰端衣玄裳繞而乘路此施

於冕者也冠禮冠者玄端緇布冠既冠易服服玄冠玄
端特牲禮主人冠端玄內則子事父母冠綬纓端黻鞞
劉定公曰吾端委以治民董安于曰臣端委以隨宰人
公西華曰宗廟之事如會同端章甫以至晉侯端委以
入武宮晏平仲端委以立于虎門此施之於冠者也蓋
玄端齊服也諸侯與士以為祭服玉藻玄端以祭特牲
冠端玄是也大夫士以為私朝之服玉藻朝玄端是也
天子至士亦以為燕服玉藻天子卒食玄端而居內則
事父母端譚是也然則端衣所用固不一矣記曰齋之
玄也以陰幽思也故祭之冕服皆玄齊之端衣亦玄若
夫朝服天子以素諸侯以緇未聞以玄端也儀禮大夫
祭以朝服一祭以玄端冠禮主人朝服既冠冠者服玄
端雜記公龍襲朝服一玄端一褱禮自西階受朝服自堂


受玄端則朝玄端異矣玄端皆玄裳或黃裳雜裳可也
鄭氏曰上玄裳中士黃裳下士雜裳雜裳前玄後黃前白後黑
玄裳繞而東路志不在於食章蓋齊則衣裳皆玄非齊則裳不必玄未
聞以素裳也鄭氏釋儀禮謂玄端即朝服之衣易其裳
耳釋玉藻曰朝服冠玄端素裳此說無據服玄端者冠
則緇布冠齋則玄冠特天子齋用冕燕則玄冠而已然
齋或用素端則其冠不玄矣鄭氏曰素端為札荒有所
禱請是也

緇鄭氏曰延冕
之 手復在二


弁師掌王之五冕皆玄冕朱裏延細禮記天子玉藻十有二旒前後邃延左傳曰衡紃紃紃國語曰夫人織紃紃先儒謂延冕上覆古者績麻三十升布上玄下朱以表裏冕版三十升則麻之尤精者也書稱康王麻冕黼裳鄉士邦君麻冕蟻裳太保太史太宗皆麻冕彤裳孔子曰麻冕禮也今也純後顏淵問為邦孔子曰服周之冕則古者五冕皆麻至孔子時乃去麻用純然郊冕猶用麻所以示復本也故荀卿曰郊之麻冕喪服之先散麻一也

武

鄭氏曰武冠卷也古者冠卷珠




細



弁師五冕皆細鄭氏曰細小鼻在武上笄所貫也蓋武冠卷也古者居冠屬武則非燕居武不屬於冠也喪冠條屬則非有喪者纓武異材也鄭氏曰條屬者通屈一條繩若作為武垂下為纓屬之冠子姓之冠縞冠玄武不齒之冠玄冠縞武則非子姓與不齒者冠武同色也雜記曰委武玄縞而右韡鄭氏謂秦人曰委齊東曰武則武亦謂之委以其若冠之足故曰武以其委於下故曰委蓋古者施冠於首然後加武以約之觀喪大記弔者襲衣加武則武之所設所以約冠也細垂於冕之兩旁其長及武笄以貫之

纁 鄭氏曰纁雜文之名合五采絲為之繩垂於延之前
後各十二所謂遠延比王者之制也諸侯而下有差



弁師掌王之五冕五采纁十有二就皆五采玉纁雜文之名也合五

絲絲為之繩垂於延之前後各十二所謂遠延也就成也繩之一匝而貫五采

五十二就則十二玉也每就間蓋一寸朱紘以朱組為紘也紘一條屬兩端於武

纁不言皆有不皆者此謂衮衣之冕十二就則用玉二百八十八希衣之冕五就用玉百二十五

衣之冕三就用玉七十二諸侯之纁存九就階玉三采其餘如玉之事纁

考皆就玉瑱玉笄侯當為公字之誤也三采朱白紘也其餘謂延也皆

天之以是章弁皮弁弁經冬以其等為之而掌其禁令

其等纁非王璽如其命數也冕則侯伯
纁玉皆三采孤纁四就用玉三十二三命之卿纁三就用玉
就用玉八藻玉皆朱紘章弁皮弁則侯伯纁飾七子男纁飾五子
孤則纁飾四一命之卿纁飾三再命之大夫纁飾二玉亦二采
祀共黼畫組就之物以給衣服冕旒禮器曰天子之冕朱紘

十有二旒諸侯九上大夫七下大夫五士三此以文

也朱紘似郊特牲曰王被衮以象天戴冕璪十有二旒

天數也天之數玉藻曰天子玉藻十有二旒前後

龍衮以祭雜采曰藻天子以五采藻為旒旒十有二前

弁師王之五冕五采纁十有二就諸侯之纁存九就階

玉三采其餘如王之事纁存皆就諸侯及孤卿大夫之

冕各以其等為之掌其禁令鄭氏曰纁雜文之名也

合五采絲為之繩垂於延之前後各十二所謂遠延也

繩每一匝貫五采玉諸侯纁旒皆就皆三采也每纁

九成則九旒也侯伯纁七就子男纁五就孤纁四就

纁三就大夫纁再就理或然也然冕五而已未有不設
 纁者鄭氏謂大裘之冕無旒爵弁如冕亦無旒此不
 可考禮器天子之冕朱綠藻十有二旒諸侯九上大夫七下
 大夫五士三其制與弁師不同異代之禮也蓋藻潔而文
 衆采如之故曰藻水流趨下旗冕之垂者如之故曰旒
 或作纁以絲為之或作璪以玉貫之也纁旒或謂之旒
 露以其象然也漢制天子纁旒前長後短諸臣纁旒
 有前無後非古也

禮書卷第四

禮書卷第五

冕

纁 纁 纁
 璪 璪 璪
 旒 旒 旒

纁 鄭氏曰屈組
 為纁垂為飾

纁 二組屬於算順顛而下結之
 謂之纁纁之垂者謂之纁



弁師掌三二二冕朱

一以朱組為飾
 一條屬兩端於式


士冠禮

為藉冕而青紘士冠禮緇布冠青組纓皮弁笄爵弁
笄緇組紘纁邊蓋朱者正陽之色天子以為紘青者少
陽之色諸侯以為紘緇者陰之色而士以為紘卿大夫冕
弁之紘無所經見禮器曰管仲鏤簋朱紘君子以為濫
鄭氏謂大夫士當緇組紘纁邊理或然也一組繫於左笄
遠頤而上屬於右笄垂餘以為飾謂之二紘組屬於笄
順頤而下結之謂之纓纓之垂餘謂之綏檀弓曰緇有綏鄭
氏曰緇謂纓象長
在腹喪冠緇布冠纓而不綏冕弁紘而不纓春秋之時
楚子玉瓊弁玉纓自漢以來見纓各象其綬色冕弁而
有纓非古制也夫縣鍾磬者亦謂之紘繫車蓋者亦謂
之紘佩容臭者亦謂之纓馬之膺飾亦謂之纓旌旗之
旒亦謂之綏禪被之識亦謂之紘則紘纓綏之名非特
施於冠冕也

天子諸侯瑱立統
黃纁

卿大夫瑱立統
青纁

士瑱立統
素纁



周禮弁師諸侯之纁旒九就玉瑱玉笄詩旒立曰叔兮
伯兮褻如充耳君子偕老曰王之瑱也瑱塞
耳也淇奧曰有匪
君子充耳琇瑩會弁如星充耳謂之瑱瑱瑩美石
也天子玉瑱諸侯以石著曰侯我
於著平而充耳以素平而毛曰素象瑱鄭曰以素為充耳謂於公
瑱者或名為紘人君五色臣則三色也

素者自所先見而云尚之以瓊華乎而毛曰瓊華美石士之服也鄭曰飾之以瓊華者謂縣統之末所謂瓊也人君以玉為之

華石色俟我於庭乎而充耳以青乎而毛曰青青玉也尚之以瓊

瑩乎而毛曰瓊瑩不似玉卿大夫之服也鄭曰石色似瓊瑩也俟我於堂乎而充耳以黃乎而

毛曰黃黃玉也尚之以瓊英乎而毛曰瓊英美石以玉者人君之服也禮記檀弓曰練

角瑱瑱充耳也古詩以玉人君有瑱士喪禮瑱用白纁既夕記曰瑱塞耳楚

語楚靈王虐白公子張驟諫王曰不穀雖不能用吾茲

瑱實之於耳慈猶頓也對曰賴君用之也故言也頓特不然也清

之犀犛兕象其可盡乎其又以規為瑱也犀犛兕也瑱所以塞耳也左傳

言四獸之牙角可以為瑱難盡而又以規諫為之乎魯語曰王后親織玄統統所以懸瑱當耳者也左傳

曰衡統紘紕絜昭其度也又曰縛之如一瑱家語大戴皆

曰統統塞耳東方朔傳曰鞋纁塞耳禮緯曰旒垂目纁

塞耳示不聽讒不視非也後漢輿服志曰旁垂鞋釋名

曰瑱鎮也不使妄聽自鎮重也吳語吳王斬有瑱者

徇曰莫如此以瓊瑱相問也

瑱以充耳統以垂瑱周官弁師王之五冕皆玉瑱詩於

衛夫人言王之瑱也於衛武公言充耳琇瑩於衛之臣

言袞如充耳齊詩言充耳以素以青以黃尚之以瓊華

瓊瑩瓊英則瑱不特施於男子也婦人亦有之不特施

於冕也弁亦有之故詩言充耳琇瑩繼之以會弁如星

喪禮士無冕而瑱用白纁則弁亦有之可知也士瑱用

白纁即詩所謂充耳以素者也人君用鞋纁即詩所謂

充耳以黃者也毛氏以充耳以素為士之服充耳以青

為卿大夫之服充耳以黃為人君之服於說是也然以

素為衆瑱青為青玉黃為黃玉而用瓊華以飾象則是

士瑱用二物與餘瑱不類非禮意也鄭氏以素為素統

青為青統黃為黃統人君五色人臣三色然魯語王后

織玄統夫人加紘紕內子爲大帶婦成祭服列士之
妻加以朝服則夫人以至士妻特有所加而已其織玄
統一矣未聞有五色三色之別也又統所以垂充耳而
充耳不在統謂統爲充耳非也春秋傳曰縛之如一瑱
則縛纊以爲瑱自古然也其制蓋皆玄統以垂之瓊玉
以承之承之詩所謂尚之也梁制垂以珠瑱班固賦曰
雕玉瑱以居楹礎石亦謂之瑱則瑱居纊下可知也賈
公彥曰古者瑱不用纊士死則用白纊然士之襲禮皮
弁祿衣縑帶韎韐竹笏之類皆用生時之物孰謂瑱用白
纊特死者之飾哉檀弓小祥用角瑱楚語曰巴浦之瑱
犀兕象其可盡乎其又以規爲瑱則古者之瑱亦以象
與角爲之

衡鄭氏曰衡王爲之祭服有衡垂



周官追師掌王后之首服爲副編次追衡笄左傳曰衡
統紘紕昭其度也鄭司農曰衡繼持冠者鄭康成曰王
后之衡笄皆玉爲之惟祭服有衡垂于副之兩旁當耳
其下以統垂瑱孔穎達曰婦人首服有衡則男子首服
亦然王后之衡以玉則天子之衡亦玉諸侯以下未聞
然則左傳言衡則繼以統弁師士冠禮言笄則繼以紘
是衡有統笄有紘也

笄鄭氏曰笄卷髮者王為之長尺二寸

禮記內則子事父母櫛縱笄總弁師掌王之五冕玉笄諸侯之纁笄九就玉笄士冠禮皮弁笄爵弁笄同篋

之簪有笄者屈組為紘垂為飾無笄者纁而結其髻長四寸不冠故也纁笄之中央以安髮 鬢用組乃笄國語范武子以杖擊其子

折其委笄荀子曰鬢而不笄

婦人笄曲禮曰女子許嫁笄而字 以許嫁為成人禮 南宮縚之妻

之姑之喪夫子誨之鬢蓋榛以為笄長尺內則婦事舅

姑櫛縱笄總男女盡笄者櫛纁拂髦女子十有五而笄

二十而嫁其未許嫁則笄 喪服小記齊衰惡笄以終喪男

子冠而婦人笄雜記女雖未許嫁年二十而笄禮之婦

人執其禮雖未許嫁年二十為成人矣 禮之勳燕則

鬢既笄之後去之猶也 問喪親始死雞斯徒跣雞斯徒跣為笄纁

也 人時始喪者加巾冠二日乃去笄纁括髮 追師掌王

后之首服為副編次追衡笄士昏禮女次純衣纁禘立

于房中南面姆纁笄宵衣在其右女從者畢袵玄纁笄

被頰黼在其後夙興婦沐浴纁笄宵衣以見舅姑記女

子許嫁笄而禮之稱字許嫁已受納徵禮也 笄女之禮

喪服女子在室為父箭笄女子適人者為其父母婦為

舅姑惡笄有首以鬢卒哭子折笄首以笄布總言以鬢

者 傳曰笄有首者惡笄之有首也惡笄者櫛笄也

折笄者折吉笄之首也吉笄者象笄也何以言子折

笄首而不言婦終之也櫛笄者以櫛之木為笄或曰榛

卒而喪之大事畢女子可以歸於夫家而著吉筭也
吉筭者婦人之家也折其首者為其大飾也據在
夫家直言婦人之恩士喪記其母之喪則內御者浴鬪
無筭無併也夫特牲饋食禮主婦纒筭宵衣詩君子
偕老副筭六珈笄也夫特牲饋食禮主婦纒筭宵衣詩君子
以妾為內子訪之左史倚相曰吾有妾而願欲筭之其
可乎弁 掌王之五冕五采纁十有二就皆玉筭諸侯
纁紵皆純玉筭士冠皮弁爵弁筭則冕弁有筭也國語
范文子以杖擊其子折委筭則冠有筭也士喪服婦人
吉筭有首尺二寸吉筭象筭也男子之筭亦或尺二寸
大夫士之筭亦或象為之與禮王祀以玉路朝以象路王
象笄皆象次於王然則諸侯王筭大夫士用象鄭氏釋士
冠禮謂有筭者屈組為絃垂為飾無筭者纒而結其條
無筭蓋指緇布冠言之也雜記曰緇布不彘則緇布非

特無筭又纒而不纒矣古者筭亦謂之簪易曰緇盍簪
與氏謂筭今之簪是也荀卿鍼賦曰簪以為父則簪形
似鍼而巨也考之士喪禮鬪筭用桑長四寸纒中其母
之喪內御者浴鬪無筭則鬪筭與冠弁之筭異矣鬪筭
四寸所以安髮男子婦人皆有之男子死有鬪筭而無
冠弁之筭以其不冠故也婦人死不特無冠弁之筭亦
無鬪筭以其不以髮為猶男子之冠故也家語曰孔子
之喪襲而冠此王肅附會之論也荀子亦曰鬪而無筭

禮書卷第五終

禮書卷第六

皮弁

象邸

韋弁

爵弁

裳

皮弁

縫中貫玉以為飾其衣用希十五升而裳素積





司服 眡朝則皮弁服 視朝視內外朝之事皮弁之服十
侯朝則衣星弁師王之皮弁會五采玉璫象邸玉笄
禮鄭司禮云詩如馬會之會謂以五采束髮也玄謂會
讀如大會之會會結中五采王十二以爲飾謂之綦綦結也皮
弁如星又曰其弁伊綦是也邸下抵也以象骨爲之
 諸侯及孤卿大夫之冕韋弁皮弁弁經各以其等爲之
 而掌其禁令 韋弁皮弁則侯伯璫飾七子男璫飾五王
亦三采孤則璫飾四三命之璫璫飾三再

命之卿大夫璫飾二玉 掌皮掌秋斂皮冬斂革春獻之遂以式
 法頒皮革于百工士冠禮皮弁服素積緇帶素鞞 此與
湖之服也皮弁者以白鹿皮爲冠象上古也積猶辟也
以素爲裳辟蹙其要中皮弁之衣用布亦十五升其色
 象皮弁笄爵弁笄緇組紘纁邊同篋賓受皮弁右執項
 左執前進周弁殷嘒夏收 弁名出於槃大也三王共皮
言所以自光大也 弁素積 質不聘禮賓皮弁聘
敬也諸侯視朝皮弁服 側授宰玉揚降立 王藻曰表之揚也見美也又曰麤裘
其裘同可知也 君使卿韋弁歸饗餼五卒 皮弁服韋弁
之弁兵服也而服之者皮韋同類取 君使卿皮弁還玉
相近耳其服蓋韋布以爲衣而素裳 于館 王圭也君子於王比德焉以之聘重德也 覲禮至
還之者德不可取於人相切厲之義也 于郊王使人皮弁用璧勞侯氏亦皮弁迎于帷門之外再
 拜士喪禮陳襲事于房中爵弁服純衣皮弁服詩淇澳
 曰會弁如星 皮弁所以會髮箋云會謂弁之縫中飾之
以玉璫璫而處狀似星也天子之朝服皮

視朝以口 鳴鳩其弁伊其箋云驥當作 頡弁有頡者弁實

維伊何天子之朝皮弁以曰視朝 賓之初筵側弁之

俄屢舞僭僭禮記檀弓周人弁而葬商人哱而葬曾子

問諸侯相見皮弁禮運冕弁兵革藏於私家非禮也郊

特牲祭之日王皮弁以聽祭報示民嚴上也皮弁素服

而祭素服以送終也玉藻天子皮弁以日視朝遂以食

三王共皮弁素積諸侯皮弁以聽朔於大廟天子也 君

衣狐白裘錦衣以裼之天子狐白之上 明堂位朱干玉

戚冕而舞大武皮弁素積裼而舞大夏小記諸侯弔必

皮弁錫衰學記大學始教皮弁祭菜示敬道也皮弁天子之朝

服也祭菜禮 雜記大夫卜宅與葬日有司麻衣布衰布

帶因喪屨緇布冠不蕤占者皮弁有司占人也麻衣白

布帶緇布冠此服非純吉亦非 子羔之襲也皮弁一爵

弁一孔子曰尸弁冕而出卿大夫士皆下之祭義君皮

弁素積朔月月半君巡牲古者天子諸侯必有公桑蠶室

大昕之朝君皮弁素積卜三宮之夫人世婦之吉者使

入于蠶室書曰王與大夫盡弁以啓金滕之書四人綦

弁執戈上刃夾兩階綦文鹿子 後漢輿服志委貌冠

皮弁冠同制長七寸高四寸制如覆杯前高廣後卑銳

所謂夏之母追商之章甫者也委貌以阜縮為之皮弁

以鹿皮為之行大射禮於辟雍公卿諸侯大夫行禮者

冠委貌衣玄端素裳執事者冠皮弁衣緇麻衣阜領袖

下素裳所謂皮弁素積者 周禮弁師王之皮弁會五

采玉璫象邸玉笄諸侯及孤卿大夫之冕韋弁皮弁弁

經各以其等為之儀禮士冠爵弁服纁裳純衣緇帶皮

弁笄爵弁笄緇組紘纁邊賓同籩受皮弁右執項左執前鄭

康成曰皮弁者以白鹿皮為之蓋皮弁存毛順物性而
制之文質具焉韋弁去毛違物性而又染之文而已凡
在下者為是基可以託宿者為邸玉璣則縫中骨玉而
施於下者也象邸則下抵用象而託以皮者也爾雅邸
賈公彦曰邸下抵也謂於弁內項上以象骨為抵然謂
之抵不特施於項上魏臺訪議曰邸以象骨周緣弁下
根抵然則魏武所作諸侯及孤卿大夫之韋弁皮弁各
以其等為之鄭康成曰侯伯璣飾七子男璣飾五玉亦
三采孤璣飾四三命之卿璣飾三再命大夫璣飾二玉
亦二采於理或然推此則公之玉九天子之玉十有二
又可知也詩曰會弁如星言其玉也說文引詩會弁如
星謂骨櫛之可會
髮者此又曰其弁伊騏書曰綦弁執戈言其文也毛氏
不可據文也孔安國曰綦文鹿蓋綦者陰陽之雜故禮以綦組
子皮說文綦蒼艾色纓為士之齋冠綦組纓為世子佩詩以綦巾為女巾皆

其未成德者之服也則士弁以綦宜矣弁師言卿大夫
等為之則士康成讀玉璣為綦以綦為結是臆說也記
弁无玉飾曰三主共皮弁素積語曰素衣麕裘則素衣其衣也素
積其裳也士冠禮皮弁素積緇帶禮記雜帶君朱綠大
夫玄華士緇辟則士之皮弁緇帶與君大夫皮弁之帶
異矣士冠禮皮弁笄爵弁緇組紘纁邊弁師王朱紘禮
記天子朱紘諸侯青紘則士皮弁緇組紘與天子諸侯
皮弁之紘亦異矣蓋皮弁天子以視朝以宴詩曰側以
聽祭報以舞大夏諸侯以聽朔以巡牲以卜夫人世婦
以迎王之郊勞以待聘賓卿大夫以王命勞侯氏以聘
於鄰國以卜宅士以冠學士以釋菜凡大夫士之朔月
皆皮弁服則皮弁之所施者衆矣蓋人為者多變自然
者不易皮弁因其自然而已此所以三王共皮弁素積

而周天子至士共用之也然喪服小記諸侯弔必皮弁錫衰郊特牲大蜡皮弁素服葛帶榛杖以送終則弁雖與吉禮同而服與吉服不同

韋弁附爵弁



周禮司服凡兵事韋弁服韋弁以韠韋為弁又以為衣裳春秋傳曰晉卻至衣韠韋

之跗注是也今時玉伯弁師諸侯及孤卿大夫之冕韋緹衣古兵服之遺色

弁皮弁弁經各以其等為之而掌其禁令韋弁皮弁則諸侯璣飾七

子男璣飾五玉亦三采孤則璣飾四三命之聘禮君使

卿韋弁歸饗餼變皮弁服韋弁敬也其服夕夫人使下

大夫韋弁歸禮荀子曰士韋弁士冠禮爵弁服纁裳純

衣緇帶韠韠此君與祭之服雜記曰士弁而祭於公爵弁者冕之次其色赤而微黑如爵頭

然或謂之緇其布三十升皮弁笄爵弁笄緇組紘纁邊同篋爵弁皮

弁緇布冠各一匣昏禮主人爵弁纁裳緇施書曰二人

雀弁執惠立于畢門之內爵韋禮記檀弓天子之哭諸

侯也爵弁經紘衣雜記大夫冕而祭於公弁而祭於已

士弁而祭於公冠而祭於已弁爵弁也冠玄冠也祭於公助君祭也大夫爵弁而

祭於已士弁而親迎然則士弁而祭於已可也子羔之

襲也皮弁一爵弁一公襲爵弁二成廟則釁之其禮祝

宗人宰夫雍人皆爵弁純衣喪大記復士以爵弁後漢

輿服志爵弁一名冕廣八寸長尺二寸如爵形前小後

大繒其上似爵頭色有收特笄所謂夏收商暉者也弁

師諸侯及孤卿大夫之冕韋弁皮弁弁經各以其等為


之司服凡兵事韋弁服聘禮君使卿韋弁歸饗餼鄭

氏釋周禮謂以韠韋為衣裳春秋傳曰晉卻至衣韠韋

之跗注是也釋聘禮謂韎布以為衣而素裳既曰韎韍
為衣又曰韎布為衣既曰韎韍為裳又曰素裳蓋以軍
國之容不同故也然賈服之徒謂韎韍之跗注者袴屬
於足跗也袴屬於足跗則非衣也詩於兵服曰制彼裳
衣與子同袍與子同裳載是常服春秋傳曰衾服振振
則兵事上下同服矣詳不可知也或曰周禮有韍弁无
爵弁書與冠禮禮記有爵弁無韍弁士之服止於爵弁
而荀卿曰士韍弁孔安國曰雀韍弁也劉熙釋名亦曰
以爵韍為之謂之韍弁則爵弁即韍弁耳觀弁師司服
韍弁先於皮弁書雀弁先於綦弁孔安國曰其綦弁皮弁也士冠禮
次加皮弁三加爵弁而以爵弁為尊聘禮主御贊禮服
皮弁及歸饗餼服韍弁而以韍為敬則皮弁之上非韍
弁則爵弁耳此所以疑其為一物也爵弁士之祭服而

王服之者王哭諸侯服爵弁而即戎服之弁士冠禮爵
弁服纁裳純衣緇帶昏禮主人爵弁纁裳緇施檀弓天
子哭諸侯爵弁紵衣書二人雀弁執惠立於畢門之內
雜記復諸侯以褒衣冕服爵弁服子羔之襲皮弁一爵
弁一玄冕一釁廟祝宗人宰夫雍人皆爵弁純衣則爵
弁雖士之祭服而天子諸侯大夫皆服之鄭氏謂爵弁
冕之次制如冕但無纁耳其布三十升然古文弁象形
則其制上銳若合手然非如冕也韍其質也爵其色也
其笄紘玉飾各以其等為之如皮弁制鄭氏釋士冠禮
謂爵弁赤而微黑如爵頭然則赤多黑少矣釋巾車又
曰雀飾黑多赤少然雀之色固赤多而黑少鄭氏為之
二說自惑也其言亦無據

裳裳有纁有素黃有玄有雜纁裳緇
施明衣之裳緣緣其飾推此可知



易曰黃帝堯舜垂衣裳而天下治蓋取諸乾坤詩綠衣
 曰綠衣黃裳終南曰君子至上黻衣繡裳七月載績載
 玄載黃我朱孔陽為公子裳祭服玄九戩曰我觀之子
 衮衣繡裳東山曰制彼裳衣勿士行枚裳衣兵曲禮童
 子采衣裘裳大夫士去國素衣素裳玉藻曰衣正色裳間色
 特性曰三王共皮弁素積以素為裳碎書曰王麻冕黼

裳卿士邦君麻冕蟻裳太保太史太宗皆麻冕形裳蟻

士冠禮主人玄冠朝服玄冠委貌也朝服者十五

爵弁服纁裳純衣皮弁服素積玄端玄裳黃裳

雜裳可也玄端即朝服之衣易其裳耳上士玄裳中士

禮及筮日主人冠端玄特牲記其服皆朝服玄冠緇帶

緇鞞唯尸祝佐食玄端玄裳黃裳雜裳可也皆爵鞞喪

服凡衰外削幅裳內削幅幅三衿衿者謂辟兩側空中

無數凡裳前三若齊裳內衰外齊緝也凡五服之衰一斬

者外爾雅曰裳削幅謂之襜削殺其幅明衣裳衣門深

衣裳衣門

深衣之裳十有二幅短毋見膚長毋被土喪服裳內削

幅幅三衿士喪記明衣有前後裳不辟長及鞞鄭氏曰

幅幅三衿士喪記明衣有前後裳不辟長及鞞鄭氏曰

衿者辟兩側空中央也祭服朝服辟積無數凡裳前三幅後四幅賈公彥曰前為陽後為陰前三後四象陰陽也然則明衣裳不辟喪裳三衿則吉裳不特三衿而已明衣長及靸則凡裳不特及靸而已明衣有前後裳則凡裳前三後四以象陰陽可知也明衣裳縗緝緇純士昏禮爵弁纁裳緇袍曲禮素衣素裳素冠徹緣則凡裳有緣可知也玉藻曰衣正色裳間色然冕服玄衣纁裳皮弁服素衣素裳諸侯朝服緇衣素裳士爵弁服緇衣纁裳玄端服有玄裳黃裳雜裳玄端服惟三裳而已士昏禮使者玄端鄭緇裳無據深衣長衣裳之色同三翟三衣亦衣裳之色同緇衣非正色也黃素之裳非間色也蓋衣之玄緇所以象天道裳之黃所以象地德素陰之正也亦可以為裳纁陽之間也不可以為衣是衣之色常尊裳之色

常卑非必衣色皆正裳色皆間也記且云爾者豈非以玄為天之正色纁非地之正色乎書言王麻冕黼裳卿士邦君皆麻冕纁裳太保太史太宗皆麻冕彤裳孔安國曰纁裳玄形裳纁詩曰毳衣如璫又曰載玄載黃我朱孔陽為公子裳蓋裳以纁為主纁亦黃色以土無正位必託於火故也若夫玄裳素裳之類各象其事而服之孔穎達曰書之卿士邦君非執事者也故玄裳太保太史太宗執事者也故彤裳其說是也爾雅曰裳削幅謂之襜郭氏曰削殺其幅深衣之裳然喪服裳亦削幅其不削幅者帷裳而已孔子曰非帷裳必殺之詩曰車帷裳雜記曰緇布裳帷則車與帷之飾孰謂深衣之裳乃削幅耶音曰帷裳

禮書卷第六終



